

H V M B L E
R E Q V E S T E
D E S O N
E M I N E N C E
A D D R E S S E E A M E S S I E V R S
D U P A R L E M E N T.
E N V E R S B U R L E S Q V E S.



A P A R I S,
C h e z C L A V D E B O V D E V I L L E , r u e d e s C a r m e s ,
a u L y s F l e u r i s s a n t .

M. DC. XLVIII.
A V E C P E R M I S S I O N .

1670



HVMBLE REQVESTE DE SON
Eminence adressée à Messieurs du Parlement.

EN VERS BURLESQUES.

A Nosseigneurs de longue robbe
Qui font pendre quand on dérobbé
Ie- MAZARIN la, corde au cou,
Nud en chemise comme vn fou,
Sur les crimes que l'on m'impute
Pour éviter toute dispute
Svb, et de mescontentement,
Vous supplie tres-humblement
Qu'oubliant mes fautes commises,
Vos personnes en cage mises,
Les brigandages par moy faits,
Tous les crimes & les forfaits
Commis sur vos compatriotes
Sur qui i'ay fait mille riotes,
Et qui dans ma prosperité
Auez sans l'auoir merité,
Esté l'objet des violences,
Dont s'aduisoit mon Eminence:
Que sans auoir dis ie d'égard
Si i'ay iadis tant fait du gard,
Si ma ceruelle vn peu trop folle
Ayma le son de la pistolle,
Et si mes sens de vos Louïs
Ayant esté trop esbloüis
M'ont fourny des moyens iniustes
Pour mettre la main sur vos iustes
Les faisant saisir au colet
Par d'EMERY mon gros valet:
Vous me fassiez misericorde,
C'est espargner autant de corde,
Et que par vous, Dame Themis,
Tous mes pechez me soient remis.

3.
 Tous ces crimes ie vous l'aduouë
 M'ont rendu digne de la rouë
 Et du supplice d'Ixion
 N'eust esté la protection
 De la Royne ma bonne Dame
 Que ie cheris plus que mon ame,
 Et dont les bonnes volontez
 Me sont des morceaux bien sucrez;
 Je pouuois estre vn honneste homme,
 En me contentant d'une pomme,
 Et si sans m'en estre saoulé
 L'arbre n'eût point esté gaulé
 La France n'auroit pas nom Gaule
 Bien fascheuse pour mes espaules:
 Mais las le malheur a voulu
 Qu'estant deuenu trop goulü
 Ma main quatre fois plus legere
 Que la teste d'une harangere
 M'a fait consentir aux larcins
 En faisant cracher aux bassins
 Iusques aux bœufs, moutons, & vachie
 Qui n'ont pas vn sou que ie sçache:
 Je confesse encor deuant vous
 Que ie merite mille coups
 Pour auoir fait souuent des miennes
 Dans l'enelos du Bois de Vinciennes
 Ayant fait mettre dans son fort
 Le preux Cheualier de Beaufort,
 Mais plus fin que luy n'est pas beste,
 Car vous sçaez qu'un iour de feste
 Il fit vn saut du haut en bas
 Sans se casser, iambe, ny bras.
 De BEAUFORT ne fust pas l'unique
 Qui sentit mon joug tyrannique
 J'ay fait faire gille à CHARAVT;
 Sur d'autres fait crier araut:
 Et fait present à cent canailles
 de pourpoints de pierre de tailles.
 J'ay disgracié de la Cour
 Le vaillant la MOTHE-HOVBANCOVR.

944.03

M475m

No. 1670

872323

Pour donner sa terre Duchale
 A l'Eminence monachale
 Et rendre gras comme vn cochon
 Son sec & maigre capuchon
 C'estoit faire son compte borgne
 De luy laisser la CATALOGNE
 L'en fis mon frere Viceroy
 Aussi bon compagnon que moy.
 Et dont l'esprit melancholique
 Propre à faire le politique
 S'y prenoit d'un fort bon biais,
 Sinon qu'il estoit vn peu niais.
 Non content d'auoir fait ces choses,
 En espines changé les roses
 Et fait vn galimatias
 De vos Loix & de vos Estas
 Voyant le Ciel gros de tempeste
 Prest à creuer dessus ma teste,
 J'ay fait ce qu'en tels accidens
 Il faut faire malgré ses dents :
 J'ay sceu qu'il faut dans les diuorces
 Opposer forces contre forces,
 Et que ceux là ne sont bien nez
 Dont l'esprit plus court que lenez
 Ne se donne iamais de garde
 D'un Suisse qui tient l'hallebarde.
 J'ay crû que nostre arrest d'oignon
 Me porteroit vn iour guignon,
 Pourcela, c'est vn fils de truie
 Mon Eminence s'est enuie.
 Faisant consentir VILLEROY
 Au dessein d'enleuer le Roy,
 Je fis ce bransle de sortie
 Lors que vous faisiez des roties,
 Qu'un chacun retiré chez soy
 Songeoit à crier le Roy-boy,
 Et qu'acharné sur les volailles
 Le bon Bourgeois faisoit gogailles
 CONDE' le pistolet en main
 M'escentra iusques à S. GERMAIN,

5
Et fist passer tout mon ménage
Sur dix bons cheuaux de bagage
Quoy qu'il fist bien du quant-à moy,
Pas vn ne trembloit comme moy
Et son par la mort, par la teste
Ne gaignoit rien dessus ma teste,
Tant vn homme qui fait du mal
Est, dit-on, vn sot animal.
Ma teste qui n'est pas bien faite
Ne fust pas encor satisfaite
D'auoir fait vn tel attentat
A la barbe de tout l'Estat:
Et comme vn vice entraïne l'autre
Le SEGVIER ce faux Apostre,
Ce fourbe & testu sans pareil
Me donna le fichu conseil
De mettre en campagne les troupes
De ces grands aualeurs de coupes,
Je veux dire des Allemans
Pour manger nos chapons du Mans,
Frotter les gueux, voler les braues
Et de faire choux & des raues
De l'ordinaire du Manan
Pour faire Carefme-prenan
Icy, nos Seigneurs, ie confesse
Que i'ay meritè qu'on me fesse
Pour estre cause de ces maux,
D'auoir fait crier vos boyaux,
Ieufner mes Dames vos entrailles;
Arrester les huitres à l'escaille,
Dont Dieu mercy ie suis bien sou
Vuidant les paniers pour vn sou,
Pendant que vous criant famine
Rien n'entroit dans vostre cuisine;
Bien-heureux vne fois le mois
D'auoir vn pauvre plat de pois
Et vous passer de pain d'angoisse
Faute d'en auoir de G O N N E S S E :
Lors que vos gros mina-grobis

Qui ne mangeoient que du pain bis
 M'enuoyoient mille fois aux diables
 Ne trouuant rien dessus leurs tables
 Et m'eussent voulu voir au cou
 Comme à mes freres vn licou,
 Et de mesme qu'eux me voir braire
 Pour en porter la fol-en-chere.
 Le sçay que de tous ces malheurs
 Ont esté cause les voleurs
 Et moy-mesme n'ay point de peine
 De m'en dire le Capitaine
 Le le sçay, & vous le sçauetz;
 Dequoy si pitié vous n'auetz
 C'est vne chose que j'espere
 Que de voir bien-tost mon grand pere:
 Mais pourtant vous m'excuserez
 Quand pour mes raisons vous sçauerez
 Qu'au bon & sage Politique
 Quand on le froisse, ou qu'on le picque
 Par MACHIAVEL est permis
 De mettre bas ses ennemis;
 Mais vous estes tous Philosophes
 Vos bonnets sont de cette estofe,
 Et par consequent ie crains fort
 Que sur l'argument faisant fort
 Vous ne fassiez voler ma teste
 Contre l'effect de ma Requeste
 C'est ce que j'explique en deux mots
 Et ce que sçauent les marmots
 Qu'à ce jeu personne ne iouë
 Que sur le sommet de la reüe
 Où Dame fortune fait voir
 Que nous auons vn plein pouuoir
 Les maximes de son eschole
 Portent qu'un homme sans pistole
 Ne merite pas ce haut rang;
 Qu'il faut se baigner dans le sang;
 Et comme choux dans le potage
 Le faire gras dans le pillage,

D'autant qu'un peuple gros & gras
 Nuit à ces hommes de tracas ;
 Et que c'est pour des raisons telles
 Qu'il faut pincer son escarcelle.
 Sous ces politiques leçons
 Je n'ay point veu les hameçons,
 Estimant que c'estoit bien faire,
 Que c'estoit le nœud de l'affaire
 D'exécuter de point en point
 Ce que la Loy ne permet point
 Je veux sur l'heure qu'on me pend.
 O temerité tout à fait grande,
 Si cela ne m'estoit caché,
 Qui dira donc que j'ay péché :
 Pour Adam nostre Capitaine
 Qui du monde sema la graine,
 Graine qu'on nomme indiuidu.
 Il mangea du fruit deffendu,
 Et sa femme friande chartre
 Luy fist mettre dessus la patte,
 Quoy que le bon pere sceut bien
 Qu'aduis de femme ne vaut rien,
 Et c'est pourquoy comme l'on pense
 Il fust estrillé d'importance :
 Mais le bon homme & moy sont deux
 L'unois vn bandeau sur les yeux,
 C'est vne legitime excuse
 Au crime duquel on m'accuse.
 Les aueugles vont à tastons
 Reglant leurs pas de leurs bastons
 Si quelqu'un d'eux en passant choque
 L'un on excuse, & l'autre on mocque,
 Et si l'on tranche du Trason,
 On dit, vous n'avez pas raison
 De mesme l'honneur est vn masque,
 Qui quand l'homme fait quelque frasque
 A l'innocence pour manteau,
 Et son pretexte est tousiours beau :
 Si c'est mal d'agir de la sorte

A vous, Messieurs, ie m'en rapporte.

Ce, Nossigneurs, consideré
Le tout vous estant déclaré,
Et voyant que ma conscience
N'est pas si Diable que l'on pense
Ou si ie fus vn garnement
Que ce fust par auuglement,
Ayez pitié du pauvre Iulles,
Quittez-le pour baiser vos mulles,
Ou, sur les degrez du Palais
D'yser sur son cul deux balets
Si c'est trop tard que ie m'aduise,
Contentez-vous de la deuise,
Que ie banniray desormais,
C'est qu'il vaut mieux tard que iamais.

Ainsi vous aurez vostre compte
Estans satisfaits de ma honte
Vous vostre fait, & moy le mien.
Pardonnez & vous ferez bien.

F I N.